

青 城 縣 志

第四冊

新政志
兵事志
名宦志
人物志

列女志
物產志
古蹟志

青城續修縣志第四冊

新政

立法 司法 行政 財政 教育 實業

一帝不沿樂三王不襲禮事窮則變勢則然也惟政與法因革損益歷若干年必有一大變是以虞夏商周歷二千年秦漢之變爲最大唐宋明清亦二千年民國之變爲尤著法久必弊葛靈見棄秦漢之變純然自動者也歐風美雨勢逼處此民國之變多由被動者也變之初卽爲新行之即久即安矣所以然者無非適應環境以濟時代之需要次而志之輯新政焉

立法

縣議事會

縣參事會

二十世紀三權分立已爲世界多數

國家通行之公例清季鑒於世界潮流籌備立憲宣統元年春奉令各縣選送二人入省自治研究所本縣選送張鎔之張有誥赴省一年畢業回縣後於二年春立縣自治研究所學員四十人半年畢業張等任教職旋由學員組立董事會張有誥任會長夏成立議事會張鎔之楊次麟任正副會長三年春正式選成縣議事會路煥章李殿文被舉爲正副議長秋選成參事會縣長兼會長參事四人至民國三年無形解散民國二十三年秋奉令籌選縣參議會旋奉令緩辦地方立法機關姑存一格焉

司法

承審員 縣法院 我國自古相沿率以地方行政官兼理司法至清季世界列強藉口我國司法不善致有領事裁判權之惡例光宣之間分設地方高等審判各廳直屬大理院合初級審判廳是謂四級三審制惟初級審判尚未設立而清社屋矣民國因之仍以縣長兼初審民國三年各縣設幫審員後改爲承審員民國十八年審判廳均改爲法院同時各縣均設縣法院本縣於是年四月即在縣政府大堂西南院內遵令成立以縣長兼檢察官司法實行獨立二十年十二月裁撤仍設承審員

管獄員 清制各縣例設典史職司捕盜兼理監獄事項民元

裁撤二年改設管獄員專司監獄事宜

行政

縣公署 財政 教育 交通 保安

縣公署

即今地方縣政府自共和成立後內部組織畧有變更清時知縣聘刑名錢穀書啓帳房各主任曰幕友稿案執帖雜務用印各差曰門丁吏戶禮兵刑工曰六房壯快皂捕曰四班又由戶科分設庫吏雜科常籌備立憲屢令裁減迄未實行至民國元年通稱縣知事爲民政長分科治事之說盛倡一時卒於民國二年之首改知縣爲縣知事署內分四科一曰總務二曰財政三曰司法四曰民事十七年國府成立復令四科改併兩科將以前總務民政及不屬各科事項

併爲第一科以前財政科改爲第二科專理國家稅徵解事項每科設科長一人科員一二人不等所有各科經承改錄事長書記改爲錄事各科錄事量事之煩簡任用班役改爲司法警察二十二年一月奉令將地方財政建設教育三局改局爲科直隸縣政府計爲五科此縣公署政務之改組也

財政

地方財政管理處

地方財政管理處 於民國二年地方設有收支處置收支員一人專管地方財政民國八年改稱地方財政管理處十七年改財務局旋又改稱財政局二十二年奉令改局爲科直隸縣政府爲第三科設科長一人科員二人錄事一人所有

地方教育建設警察民團隊及一切善舉各經費均歸其統收分支此地方財政機關之沿革也

教育

教育局 爲全縣教育行政機關原名勸學所於民國十三年改組設局長一人視學員二人事務員二人十七年改視學員爲縣督學增教育委員二人劃全縣爲四大學區每一委員負視導兩學區教育責任十九年奉令於局內復添兩課課長由局長與縣督學分任課員由事務員分任二十二年又奉令改局爲科直隸縣政府爲第五科設科長一人科員一人縣督學一人教育委員二人科下設行政視導兩股行

政股長由科長兼任股員由科員兼任視導股股長由縣督學兼任股員由教育委員兼任此教育行政機關之組織及沿革也

教育研究會

詳前教育志

師範講習所

詳前教育志

通俗教育

通俗教育講演所

初立在城隍廟十七年移於北街內設講

演員一人經理所務兼管閱報所

閱報所

初設在城隍廟繼隨講演所遷北街十九年秋通俗

講演所閱報所均合併於民衆教育館

民衆教育館 民國十九年成立分教學部講演部圖書部體育部出版部內設館長一人館員二人經理館內事務

實業

建設局 即實業局改組原實業局初名勸業所民國九年奉實業廳令行成立設所長一人勸業員二人十四年七月奉令將勸業所改爲實業局添勸業員二人十七年十一月復奉令改爲建設局規模較前擴大添技術員二人二十二年一月復奉令改局爲科直隸縣政府爲第四科設科長一人科員一人錄事一人仍留技術員二人分管建設農林工商等事項並添設氣象觀測員合作指導員各一人專司關於

雨量氣象及倡辦合作各事宜此地方實業局改組建設局之沿革也

農會 舊稱農務分會爲邑紳楊公成勳創辦利用護堤及附近退糧地畝遍植桑柳果樹不數年蔚然森秀於城郭風景頗增點綴民國十七年農務分會改稱農民協會二十年始組織正式農會二十二年經縣黨部派員整理二十三年復改組爲縣農會護堤樹株因罹兩次兵災砍伐不少殊爲可惜

農事試驗場 民國十年經黃縣長雲從在北門外校場籌設苗圃培植樹苗分配各鄉種植又租城北崔家莊西學田地

十五畝創辦美棉試驗場以資試種觀摩採種分配因此棉業大興又培植桑場三處一在三官廟東一在邵家莊西北一在王中和莊共桑場面積十四畝並改良飼蠶廣布鄉區桑蠶事業一時興起

商會 舊稱商務分會民國六年成立事務所向無公地租賃民房辦公頗感困難後經合會公議在城隍廟東購定地基經縣長李潤紳倡捐建築乃成經常費由衆商捐集

交通

汽車路 周青沂汽車路由民國九年華洋義賑會以工貸賑修建汽車路經長山鄒平齊東直達青城清河鎮至民國十

二十年汽車開駛由商承辦時通時止及二十年建設廳接辦
按時通車商旅稱便

郵政局 光緒二十四年先設代辦所至民國八年六月二十
日正式成立三等郵局十七年添辦郵政儲蓄二十年辦理
滙兌二十三年十一月一日代售印花票

公電局 光緒三十三年設立大郭家莊公電局

實立在小清河鎮因
河務局辦公人員在

鎮爲發
電便利

已於民國十九年十一月間移設於濱縣台子李家

長途電話事務所 設立在城內北街有電話路線與鄉鎮通
話東線由事務所至義和鎮鎮公所分線北通曹家店又北
至段王家東南至田鎮北線由事務所至玉皇堂分線北通

至小清河鎮西線一由事務所至城南馬家莊鄉公所一西至碼頭鎮又偏南六里至馬札子家南線由城內事務所至八里莊又偏西南至劉家鎮東南至鄒平花溝鎮

保安 警察 警備隊

警察所 創自光緒年間至民國八年招募警備隊十六年奉警察廳令各縣警備隊均歸併警察所十七年北伐成功改警察所爲公安局是年六月二十日土匪陷城公安局職員長警均潛逃一空卷宗燬於兵燹前事無從查考十八年春經縣長王樹森重新組織設局長一人巡官一人第一科科員一人第二科科員一人會計兼庶務一人司書一人巡長

一人一等警四人二等警四人三等警三十六人號兵三人
傳達一人伙夫五人二十年二月奉令縮編設局長一人科
長一人科員一人巡官一人巡長三人一等警四人二等警
六人三等警二十六人馬警四人伙夫四人二十年七月奉
令改科長爲主任科員爲股員人數仍舊二十一年十二月
復奉令改主任股員爲書記事務員人數仍舊此公安局組
織及沿革也

警備隊 民國八年成立至十六年警備隊歸併警察所十七
年復成立人民自衛團至十九年改爲民團大隊隸屬山東
民團第二路指揮部其組織大隊長一縣長兼任之副隊長

一排長二書記兼軍需一名司書一名號兵一傳令目一傳令兵二班長四副班長四一等兵六十六名二等兵三十六名伙夫二名此警備隊之沿革也

兵事

兵凶戰危古訓昭昭然攘外靜內非兵莫屬故兵期於不用而不可不備况值茲列強鼎峙弱肉強食兵事尤爲當務之急特列舉青境被兵事畧使後人目睹心驚思有所以預防消弭之是爲誌

捻匪之亂

捻匪之亂青城全境糜爛誠青民之大劫捻匪張洛壑等初起

豫皖分擾各省洛壑死其子總愚竄赴陝甘稱爲西捻任柱賴
文洸竄擾山東稱爲東捻嗣東捻就食膠萊并遣黨徒分掠各
縣捻於同治戊辰五月由鄒平齊東入青城境燒殺擄掠慘不
忍言青民及鄒齊逃難之民扶老攜幼爭思北走渡河避難乃
船少人衆一時難濟賊追至即用長槍亂刺喊殺聲叫哭聲震
動天地亦云慘矣時青城保衛團團長牛幹臣係城北牛家人糾合義勇
與賊搏戰而城賴以保存其後清將劉銘傳潘新等在膠萊擊
潰捻匪任賴旋亦就擒而在青之捻亦潰散

拳匪紀畧

清光緒二十六年庚子直隸山東有拳匪之亂青城亦波及焉

初山東巡撫毓賢直隸總督裕祿及清王大臣等崇奉拳匪謂有神術能避槍避炮可以防禦洋人清廷惑焉於是上自京城府縣下至鎮村閭里徧設拳房拳匪狂縱恣肆攻使館焚教堂華人之奉基督教者匪皆曰爲漢奸任意屠殺青城東北之王家莊水牛李家教堂及教民之房舍均被焚燬并捕風捉影屠殺無辜嗣有匪徒數百搗毀縣署威逼縣尊縣知事朱俊處理有方鎮撫並施幸未遇害時毓賢已調撫山西袁世凱巡撫山東與東南各省督撫劉坤一等力主保護外人勦滅拳匪聞警卽派隊來勦一戰於田鎮再戰於青濱交界之棗李莊匪死傷數百青城之匪始平時在庚子七月旋八國聯軍攻陷北京清